

## **Radyo an Norvys**

(<http://www.dasunys.net/podcast.htm>)

**Titel:** Nowodhow an seythun (16/01/08)

**Auctour:** Matthew Clarke

**Dydh:** 16 Genver 2008

**Pesyans:** 00:06:16

Yma meur a nowodhow a-dro dhe rygbi an seythun ma.

Dalleth a wren gans kudynnnow orth an Vorladron.

Presydent Dicky Evans re gildennas wosa rewlya an para rag trethek blydhen.

Ev a lever y vos skwith a grodhvolansow er y bynn.

Ev re ros dhe'n klub kansow a vilyow peuns rag gul dhe'n Vorladron moy ughel y'n Kenedhlek Onan.

Byttegyns nebes huni o serrys gans chanjow kepar ha gwari yn mes a Bennisans.

Rod Lyon yw skoedhyer an para... hag ev yw pur drist...

[CLIP]

\*\*\*\*

Y fydh eth-ha-tri-ugens mil chi nowydh drehevys yn Kernow dres an ugens blydhen usi ow tos.

Y teu an kedhlow ma y'n dowlenn spasyell... dyllys veu y'n seythun yw passyes.

Nebes huni a lever nag yw tybyans da drehevel kemmys a jiw drefenn nag eus tylleryow gell lowr.

Tus erell re dhynnerghis an dowlenn yn unn waytya treghi prisyow chiow.

\*\*\*\*

Hager awel a dheuth dhe Gernow y'n seythun yw passyes gans gwynsow krev ha meur a law.

Darganoryon a lever bos fowt a'n fros-jet dhe vovya moy war-tu ha'n soth.

Byttegyns... da o an gewer rag mordardhoryon.

I re omjersyas mordonnow bras... moy es hwegh troshes aga hirder.

\*\*\*\*

Yth eson ow tehweles dhe rygbi lemmyn...

<sfx>

Pennseythun dhrog o y'n gamporyeth EDF.

Rysrudh a gollas nawnsek poynt dhe hwegh erbynn Kembroyon Loundres.

An Vorladron ha Bay an Menydh a holyas an Rudhyon yn-mes an piwas on.

Yma chons dhe Lannstefan hwath wosa bos aga fit dasordenys wosa lugern Nuneaton dhe derri.

I eth di ha dehweles heb gwari.

Lemmyn... res yw dhe'n parys Kernewek pesya yn Kenedhlek Onan ha Dew.

Ha'n Vorladron a wra skoedhya Kernewek arta an vlydhen ma dre bryntya nebes a'n taves y'ga thowlennow.

Phil Westren a gews a-barth an para ha krysi bos an taves dhe-les...

[CLIP]

Henn yw oll rag an seythun ma... agas gweles nessa seythun.